



*Presidente Fundacion Elsa Coffi, sr. John Djaoen*

## **Conferencia tocante Democracia Parlamentario y Vakminister dia 22 di januari**

**ORANJESTAD** - Fundacion Elsa Coffi ta invita bo pa participa na un charla cu discusion. E topico lo ta Democracia Parlamentario y Vakminister y lo tuma luga den Aula di Universidad di Aruba riba dia 22 di januari 2009, pa 7:30 di anochi. E ta un charla importante pa tur hende haya

un bista riba e diferencia y con un vakminister por funciona mas miho pa un pais.

E conferencia di e anochi aki lo ta na encargo di Mr. Luciano Milliard. Mr. Milliard ta docente den derecho di estado (staatsrecht) na Universidad di Aruba. E ta un persona

ya conoci den comunidad di Aruba hustamente pa su presentacionnan excelente cu e sa haci riba tereno di derecho, ley y politica pa contribui na desaroyo di nos pueblo.

Ta e intencion tambe pa tin un of mas persona cu a sirbi como vakminister den pasado

pa ilustra e presentacion cu nan experiencia como tal. Fundacion Elsa Coffi a tuma iniciativa pa e charla aki pa motibo cu por lo menos un partido politico cu ta bay participa na proximo eleccion ta pensando y discutiendo fuertemente pa kibra cu e practica cu ta persona cu

ta aparece riba lista como candidato pa Parlamento ta bira Minister.

Fundacion Elsa Coffi ta invita tur hende pa bin duna nan aporte na e discusion aki, sea cu nan ta na favor di vakminister of no. Ta for di discusion y intercambio di idea por haya solucionnan efectivo pa nos sistema politico y consecuentemente pa nos gobernacion y bienestar di pueblo di Aruba. Directiva di Fundacion Elsa Coffi ta spera cu tur hende acepta e invitacion aki y por tuma contacto libremente cu e fundacion na email [voorzitter@fundacion-elsacoffi.org](mailto:voorzitter@fundacion-elsacoffi.org) of na e pagina WEB [www.fundacion-elsacoffi.org](http://www.fundacion-elsacoffi.org).